

生死際到無畏處至涅槃岸

佛本行集經卷第四十三

基

賈客古上音 基陞下音 頽徒音 溢夷音 娛樂音上

隅音 怨敵二音 驪郎音 駟馬四音 串俱音 織音上

蓋上音 鈍徒音 眩失音 殺羊上音 嗚咽上音

於結音 紛紜二音 忤音 逕中古音 狎音

胡甲音 昵尼音 塚徒音 獠獵良音 儔直音 格音

反音 怨讎二音 腐敗上音 苔音 覆蔽上音

必祭音 牽挽下音 羝羊上音 鞍鞵上音 償音

完兒二音 歇許音 斫音 斫剝上音 償音

穴由音 隊徒音 鑽子音 融銷上音 霏音

大藏經局伏承 嘉興縣林鄭共共九都督奉
佛弟子具三庵主 吳士三庵主 觀至六庵主 施財各助刊
大藏尊經板任紙功德俱薦

考妣三親同題
淨土
辛巳年三月 日抗露南普寧寺住山釋 漢安題

佛本行集經卷第四十四

基

隋天竺三藏法師闍那崛多譯

布施竹園品第四十六

尔時世尊經於少時住象頭山次第漸欲向
王舍城遊歷而行是時去彼優婁頻螺聚落
未幾至王舍城其間有一舊仙人居林苑處

海北記

所名曰法雨而其法雨林內有舊仙人草菴
其中常有五百苦行道入而住悉得五通並
皆年老久修梵行頭白少毛齒缺背曲身體
皮膚多有黑麤咽喉垂哆如牛頸頤容貌乾
枯形骸朽敗仰杖方行喘氣嗽聲欲行即踣
向前欲進一步不移羸瘦筋焦纒有皮骨皆
悉百歲一切無堪以其往昔種諸善根唯今
一生但值佛時即得信行以未聞法不入涅槃
皆在窟中各各禪坐
尔時世尊欲化彼諸苦行仙人為憐愍故至彼
居處在其窟門戶頰之外而說此偈語彼仙言
若人雖說百句義 其名味字不合文

寧說一句勝百千	當令聞者得寂定
若人說於百句偈	既無義理文句乖
說一句為最勝尊	聞已自然得寂定
若人善巧解戰鬥	獨自伏得百萬人
今若能伏自己身	是名世間善戰鬥
一月之中千過鬪	一鬪百倍得勝他
若能歸信佛世尊	能勝於彼十六分
一月之中千過鬪	一鬪百倍得勝人
若能歸信法正真	能勝於彼十六分
一月之中千過鬪	一鬪百倍得勝他
若能歸信一切僧	能勝於彼十六分
一月之中千過鬪	一鬪百倍得勝人
若能思惟法性空	能勝於彼十六分
猶如小兒月月學	所食如彼茅草頭
若人歸信佛如來	能勝於彼十六分
若有能信法僧寶	并及思惟法性如
如是歸者信難量	能勝於彼十六分
如彼世間祭祀火	具足滿於一百年

若一心歸三寶時	彼福百千萬倍勝
如是百數不可盡	口業不可說得窮
以彼質直牢固心	能得如是上福報
若人滿足一百歲	在林祭祀於火神
若見善調伏人來	能捨暫時供養者
是則勝彼祭祀火	多種具足極一生
基	二
若人壽命滿百年	破戒心無有寂定
有能堅持忍精進	一日活足勝彼長
若人壽命滿百年	愚癡心恒生散亂
有能智慧及禪定	一日活足勝彼長
若人壽命滿百年	盲聾憍憤無聞見
其有見佛及聞法	一日活足勝彼長
若人壽命滿百年	瞋情濁亂無覺察
有能諦觀生死趣	一日活足勝彼長
若人壽命滿百年	不觀世間無常句
其有能了身非實	一日活足勝彼長
若人壽命滿百年	不觀世間甘露處
其有能識甘露者	一日活足勝彼長

尔時世尊說於如是妙偈頌時時彼一切諸苦行人聞此偈已人人皆悉證得六通是時彼等諸苦行人從其窟出出已頂礼佛世尊足各各礼已從彼地方飛騰虚空捨於壽命入般涅槃身出水火以自焚燒既焚燒已彼諸舍利從虚空中各墮地上

尔時世尊收彼五百羅漢舍利持作一聚即起支提是時彼中有諸比丘佐助世尊供泥及石壘治為塔世尊神手綱縵之指親自砌壘彼塔成就端正可喜世尊於彼舍利塔上作種種法作已次第與諸比丘行向於彼摩伽陀國徒眾弟子足滿千人皆是彼舊螺髻

梵志所出家者如是漸往詣王舍城

尔時世尊與諸比丘至王舍城居住於彼杖林之内是時彼林别有一塔名善安住而有偈說

是時大衆相圍遶 世尊漸至王舍城
在於微妙杖林中 如來向彼欲居住

尔時彼處摩伽陀國有粟散王其王名曰頻頭婆羅傳聞他說沙門瞿曇甘蔗苗裔從釋種姓捨而出家今日來在摩伽陀中遊行教化與比丘眾足滿千人一切皆是耆舊螺髻梵志出家今已至於王舍城側在杖林中善安住塔相與停止而被沙門能於世間出大名聞彼婆伽婆阿羅呵三藐三佛隨善逝世間解無上士調御丈夫天人師佛世尊現今在彼教化有緣

又復世尊能於天人魔梵沙門及婆羅門一切世間以自神通皆能證知知已能作如是宣說生死已斷梵行已立所作已辦永更不受於後世有而彼世尊說法初善中善後善其義微妙唯獨具足畢竟清淨如是說法而如是等阿羅呵三藐三佛隨若當有人欲得往見其人善哉我今亦可至於彼所大沙門邊見世尊故
尔時摩伽陀國頻頭婆羅即遣嚴駕賢善好

車而坐其上共於國內諸婆羅門長者居士前後圍遶足滿十二那由他人從王舍城導引而出往詣佛所欲見如來

尔時彼國王舍城中有一婬女其女名曰娑羅跋帝可喜端正人所樂見世無有雙歌儻作倡音樂洞解所有衆技六十四能皆悉具

足時彼婬女傳聞人道此有沙門瞿曇釋子王種出家乃至彼作如是心念我今可至彼沙門邊

尔時彼女如是示現欲出門已復如是思我今可於頻頭婆羅大王之前見於世尊復作是念又彼頻頭婆羅大王以多人力打道而

行到沙門邊又復多人大衆雜鬧恐其遮我不能得行我今可於崩墻空所無人行處速疾而往先見世尊

尔時彼女作是念已雇取多人而告之言誰能多拔墻城甌墻即當與汝如許錢直是時彼等諸受雇人一念時間破彼墻已而得道

除一切瓦石荆棘平正尔時婬女娑羅跋帝即遣莊東妙好車乘坐於其上從自己家出行端直平正好道欲詣杖林善安任塔見佛世尊頂禮恭敬

尔時世尊知彼婬女娑羅跋帝心之所念知已即作如是念言若彼婬女於先而來見於我者其頻頭王既在後來見此婬女立於我前則生疑阻作是念已即作神通令彼婬女即更不能於王前來其頻頭王欲於先來其車一定即住不行

尔時頻頭婆羅大王心生恐怖悵快毛豎作如是念我今有何鬼神灾禍為我作礙致使如此是時彼處有一天神知於頻頭婆羅王心在虛空中隱身不現而告王言大王汝今莫生恐怖大王汝今亦無灾禍亦無變恠雖然大王汝於某處瞻波城中禁繫一人名為某甲速令解放車即得行

尔時頻頭婆羅大王聞彼天神如是語已速

疾遣使教放彼人既散放已可通車處車即
得行其不通處步入山林往詣佛所到佛所
已頂礼佛足却坐一面

尔時彼處摩伽陀國一切人民居士長者或
頂礼已却住一面或有其佛對善語言各相
慰喻訖已各還却坐一面或復有在佛世尊
前說已姓字既自說已却坐一面或復有人
向佛合掌却坐一面或復有人對佛嘿然却
坐一面

尔時國中一切人民長者居士坐一面已作
如是念今日此中有大沙門復有優婁頻螺
迦葉我等國師未審今者為當是此瞿曇沙
門從迦葉邊受學梵行為迦葉等從沙門邊
學修梵行

尔時世尊知摩伽陀一切人民長者居士心之
所念以偈告彼長老優婁頻螺迦葉作如是言
迦葉汝見何事情 先在河邊修苦行
為我及眾說此意 棄彼祭祀事云何

尔時長老優婁頻螺梵志迦葉即還以偈奉
答佛言

色聲香味及觸法 五欲世間人所求
如是染愛滿天中 為貪是事我祭祀

尔時彼處摩伽陀國一切人民長者居士及
婆羅門作如是念此大沙門自說一偈而彼
優婁頻螺迦葉復說一偈而是二人竟不知
誰何者是師何是弟子是時世尊知諸人民
作是念已還更以偈問彼優婁頻螺迦葉作
如是言

色聲香味觸等法 迦葉是中汝樂何
或有天上人世中 汝心所貪答我問

尔時長老優婁頻螺梵志迦葉重還以偈奉
答是言

我見寂靜無礙空 無相障礙不能著
不變易處無有誰 是處祭祀樂我心

尔時彼處摩伽陀國一切人民長者居士心
如是念此大沙門自說二偈而彼優婁頻螺
基 四 六 私理

迦葉亦說二偈我等今者猶自不知何者是師何是弟子如是十方諸佛世尊皆有此法若其不令一切大衆生歡喜心及希有想則不說法

尔時世尊欲教大衆生於歡喜希有心故告彼優婁頻螺迦葉作如是言迦葉汝今若知時者可爲於彼摩伽陀國一切人民長者居士婆羅門等現上人法出於神通是時優婁頻螺迦葉聞佛語已即白佛言如世尊教我

不敢違
尔時優婁頻螺迦葉從坐而起即出神通飛騰自在於虛空中或復經行或住或坐或復眠卧身出烟炎或復隱身如是等出種種神通遍顯示已從空而下住於地上頂礼佛足而白佛言世尊實是我教授師我今真是無上世尊聲聞弟子而說偈言

攝受微妙神通已 頂礼世尊勝足跌
我弟子事既已周 世尊真是我師父

尔時摩伽陀國衆婆羅門長者居士及諸人民心生是念今此優婁頻螺迦葉乃是沙門瞿曇弟子從沙門邊行梵行耶作是知已向世尊邊生信向心生希有想

尔時世尊知諸大衆生於歡喜希有之想即爲大衆次第說法所謂教行布施持戒說於基生天因緣業報說於四厭離五欲之事說漏盡七因說盡煩惱讚嘆出家護助解脫而世尊知摩伽陀國婆羅門等長者居士及諸大衆一切已生歡喜之心生柔軟心無染著心

尔時世尊知彼大衆應當得道又復一切諸佛世尊知諸衆生或有讚嘆而得道法即爲大衆如應而說所謂苦集及於滅道世尊爲彼大衆宣說是法相時彼等大衆在於坐中頻頭娑羅而爲上首已外十一那由他人一時領悟

復有師言凡有十二那由他人遠塵離垢盡煩惱界心得清淨於諸法中生淨法眼可有

集法皆是滅相如實證知譬如淨衣無垢無
 膩無有黑色隨其所染易受於色如是如是
 彼摩伽陀諸婆羅門長者居士及以人民坐
 於彼座遠塵離垢乃至一切苦集之法皆是
 滅相如是證知其中復有一那由他清信士
 受優婆塞戒

尔時摩伽陀王頻頭婆羅已見法相已知法
 相已入法相於法相中已度諸疑徹過無礙
 於諸法中無復礙心已得無畏世尊法中不復
 隨他不復問他一切法中得如是知自在無礙
 時頻頭王即白佛言如來世尊我昔在家作
 童子時發五種願我於今日悉得成就何等
 為五一者我在少年之時早得王位世尊此
 是我之初願今已得成
 第二又願得王位已我治化內有佛出世此
 即是我第二心願今已得成
 第三又願佛出世已彼世尊邊我設供養令
 得歡喜此是我心第三之願今亦得成

第四又願彼世尊邊歡喜心已為我說法此
 即是我第四心願今亦得成

第五又願彼世尊所為我說法願我一切悉
 得證知此即是我第五心願今亦得成

又復世尊我昔在家童子之時發如是心願
 有所作我悉得成無上世尊我今遂也善修
 加未伽陀我今勝也譬如有人身曲得舒有人迷
 避四藏伏得出迷人得道闇地得明盲眼之人
 顯見諸色無上世尊我今亦然然今世尊種
 種方便為我說法

又復世尊我從今去歸依世尊歸依法寶歸
 依聖僧從今日去一切時行優婆塞行願世
 尊知我如是持如來世尊我從今去盡此形
 壽誓不煞生護眾生命猶如己命為諸眾生
 作歸依處如是等持五戒十善唯願世尊及
 比丘眾受我明日飯食供養

尔時世尊為摩伽國頻頭大王嘿然受請時
 頻頭王知佛嘿然受其請已即白佛言善哉

世尊坐此車上入王舍城我當自行牽於此車作是語已佛語王言善哉大王唯願大王常得安樂我不用車

時頻頭王從坐而起頂禮佛足圍遶世尊三匝竟已辭佛而去其頻頭王去未久間時諸比丘即白佛言希有世尊云何今日摩伽陀王布施世尊馬車令乘又乞自行此事云何作是語已嘿然而住

尔時佛告諸比丘言汝諸比丘至心諦聽其摩伽陀頻頭大王非但今日布施於我馬車今乘為我牽車往昔亦然已曾施我諸如是事時諸比丘重白佛言唯願世尊為我等說其事云何

尔時佛告諸比丘言我念往昔迦尸國內有一王名善意樂法如法王治時天帝釋欲見彼王告調御天摩多梨言隋言無著處汝摩多梨至迦尸國將善意王來見於我為我語彼作如是言仁者善意三十三天及天帝釋欲得

見汝仁者莫辭要必須來

時調御天摩多梨即白帝釋言如天主教不敢有違既受教已嚴駕寶車其車控馭千足馬牽莊嚴訖已即時飛下閻浮提地詣迦尸國善意王邊既到彼已住於虛空以偈白於善意王言

仁者今可來上車 天乘莊嚴無有上
諸天憶念於仁者 是彼三十三天王
尔時善意王既聞 即從東面登車上
此乘最勝無有譬 行詣向於尊勝天
諸天遙見彼王來 各起而迎告於彼
善來人中法王者 共天帝釋坐此處

是時帝釋大天王 遙見彼王來即起
迎逆而告王言曰 善來世間汝大王
於今此處自在天 可住此承天威力
意欲停時隨多少 任情所用終不違
尔時彼王在於忉利三十三天多時住已心意不樂作是念言我今恐畏壽命減損作是

念已即便以偈白帝釋言

我昔初來樂天上 此處音樂微妙聲

我今恐畏壽命終 所以還不樂天果

尔時忉利帝釋天王即還以偈報答於彼善

意王言

王今年壽未虧減 命終之日猶尚遙

但以王今善業微 是故不樂於天上

仁者昔來乘自力 彼業今盡無有餘

既以罪業迷惑心 故令心不樂天上

今若欲受天威力 即受天樂如舊時

如於微妙車乘中 又如惑亂妙林苑

汝今若作如是想 即得心樂住此天

時善意王聞此偈已即便誥白天帝釋言大

善天王我從此處至人間當作多福業行於

布施行於苦行行於善事語言多實受於齋

戒我當作是諸善業已還更來上於此天上

時天帝釋告彼王言如是如是如仁者言汝

今日從此處已去至於人間當作如是多種

功德多作善業乃至布施受於齋戒汝造如是善業竟已還來天上

時善意王任彼天上經歷多時然後還詣向

閻浮提至其王宮宮內所有姝女妃后及諸

王子大臣百官親眷屬等皆悉死亡無有一

在而王不見彼等舊人心中不樂憂愁悵快

而說偈言

此是彼之舊衣服 瓔珞臂釧及耳璫

生平護惜不施他 今死物留身何在

如是種種莊嚴具 床褥被枕妙綉綰

園林池沼及香山 忽然而捨於此處

一切人民既不見 所有宮殿並虛空

婦兒眷屬悉皆無 我意云何樂於此

智慧尊豪甚富貴 如是威德大家生

司命惡鬼不護持 磨滅悉皆使離散

若富若貴若貧賤 若聰若慧若愚癡

或少或壯或老年 若至於此盡時節

其司命鬼不能護 一切捉攝使消亡

諸有利利婆羅門 毗舍首陀貴賤等
或旃陀羅塗摩類 時至不簡擇彼留
一切摧折悉無遺 猶如山川疾流駛
拔諸險岸所生樹 老病死至亦復然
吞噉衆類身命根 我親自於彼處見
四埵所居四鎮主 切利三十三天宮
一戲意喜遊歷行 七日七夜時不及
我住於彼帝釋處 面前恒對瞞天王
彼邊所觀餘諸天 常見有於如是事
我今唯造作福業 行檀捨施及尸羅
精進忍辱智慧禪 誓更不求王位報
尔時佛告諸比丘言汝等比丘欲知彼時善
意王者則我身是其摩多梨調御天者即此
摩伽頻頭王是其於彼時將車請我為我牽
車今亦如是請我與車亦欲為我躬自馭駕
本誓願然
尔時頻頭娑羅大王至己宮殿到已彼夜辦
具種種甘美飲食悉皆豐足所謂噉食唾食

噉食舐食諸如是等一切並訖過彼夜後掃
灑堂殿鋪設諸座即遣使人往詣佛所諮請
時至作如是言善哉世尊時節欲至所營飯
食已辦具訖

尔時世尊於晨朝時著衣持鉢與比丘衆左
右圍遶足滿千人皆是宿舊螺髻梵志所出
家者羽翼世尊詣王舍城

尔時切利帝釋天王即自變改化作天身為
摩那婆形端正可喜衆人樂見頭上還以螺
髻為冠身著黃衣其左手中執金澡瓶右手
挾持雜寶之杖在佛比丘大衆前行行時其
足離地四指不到塵土尔時帝釋摩那婆身

說此偈言

如來自伏能調他 共此一千舊螺髻
如是金色妙身體 無上世尊今入城
自既寂靜能寂他 共此一千舊螺髻
如是金色妙身體 無上世尊今入城
自既得度能度他 共此一千舊螺髻

如是金色妙身體

無上世尊今入城

自既得脫能脫他

共此一千舊螺髻

如是金色妙身體

無上世尊今入城

其有能說十法門

十力具足十無勝

一千比丘左右遶

無上世尊今入城

尔時城內一切諸人見天帝釋作如是言希

有希有此摩那婆極大端正可喜無雙人所

樂見此誰侍者此供承誰尔時忉利帝釋天

王即以偈報彼諸人言

諸佛善能伏一切

寂靜無上最勝尊

應供天人世間中

我今與彼為侍者

最大丈夫能伏物

無有能勝佛世尊

應供天人世間中

我今與彼為侍者

尔時世尊安庠行至頻頭婆羅王宮殿中入

已即便鋪座而坐尔時頻頭婆羅大王見佛

世尊及諸大衆安坐已訖自手執持種種餅

餅飲食之具施佛及僧并餘大衆一切充足

自恣噉食衆雜嘍唎悉皆訖了佛及衆僧飯

食竟已淨洗手足各將小座坐於佛前時頻

頭王坐佛前已作是思惟今日今佛於何處

住莫令去城過近過遠出家之人使得安心

如法行道

時頻頭王復作是念此之竹園近於城隍還

往穩便來去不疲平坦易行衆人所樂欲求

利益易得不難兼少蚊蚋毒虻蠅蝮晝日寂

靜無人去來夜裏少聲蘭若亦得欲近城池

來去無礙堪為善人修道之處我今應用此

之竹林奉施世尊以為坐處

時頻頭王作是念已而白佛言大聖世尊此

竹園林去王舍城不近不遠乃至堪為善人

修道唯願世尊教我何法以此竹林布施世

尊以為坐處

尔時佛告頻頭王言如是大王若欲布施我

竹林者聽當布施彼招提僧時頻頭王即白

佛言如世尊教時頻頭王從坐而起手執金

瓶與世尊水復白佛言善哉世尊此竹林園

去城側近乃至堪為善人修道我今捨施諸
佛世尊招提僧等布施以後唯願世尊納取
受用哀愍我故
尔時世尊即便受取為憐愍故因此偈而
况願言

一切樹木雜園林 并及造作諸橋等

渠池井泉以充濟 船舫來去渡衆人

彼等恒於晝夜中 福報日增長無絕

行法持戒人亦尔 信敬牢固即生天

尔時世尊為頻頭王呪願訖已從坐而起還

至本處至本處已為此事緣集諸大衆集已

而告諸比丘言女諸比丘從今已後許諸比

丘自畜園林時尼沙塞師作如是說得竹園緣

佛本行集經卷第四十四 基

皮膚下音夫麤反一檢反垂哆下音丁可反頸頰上音居

喘下音尺反反軟反嗽蘇踏蒲愆上音憤上音憤下音

憂上音莫反且反下反望泥字反縵莫官反裔羊逆音倡昌牆音

牆音麤下音專下音荆棘上音居力反反下音悵快上音丑向反反
控馭上音反反正音鞋音苦音耳音瑠音當下音統音緘上音下音烏音反反
撮七音反反駛使史音埵下音果音矚音挾胡反反城隍下音

皇音蚊音蚩上音反反文下音蝮音蝎上音反反蘭音若下音反反

佛本行集經卷第四十五

隋天竺三藏法師闍那崛多譯

基

布施竹園品下

尔時王舍大城之中有一長者名迦蘭陀國

中大富多有資財豐饒馳使乃至其家猶如

北方毗沙門宮一種無異其迦蘭陀竹林處

所是彼長者自己之物去城不遠乃至堪為

善人居處彼園中有諸求道人來去居住其

道人名阿耆毗伽音命音迦葉遺師作如是說

尔時四鎮四大天王告青色身夜叉等言汝

輩速疾往迦蘭陀竹園之內掃灑除却一切

沙礫礧石荆棘糞穢土埴皆令平正勿使坑